

AGORA ANARQUIA

XORNAES LIBERTARIOS



26 set (Xixón) **TALBO** "Bakunin frente a Marx"

27 set (La Felguera) **TALBO** "Anarquía para jóvenes"

4 Ochobre (Uviéu) **NOELIA BUENO** "La idea de Emma Goldman y Kropotkin"

10 Ochobre (Xixón) **ALICIA VALDES** "Posanarquismos"

11 Ochobre (Llanes) **Excursión Mazucu**
+alderique RUBÉN UCEDA y GUILLERMO MENÉNDEZ

17 Ochobre (Navia) **DOLORS MARIN** "visionarias, irreversibles y espiritistas"

18 Ochobre (Candás) **CNT Candás**
19 Ochobre (Mieres) **La Llocura**

24 Ochobre (Xixón) **REBELIÓN CIENTÍFICA** "Emerxencia climática de la ciencia a la desobediencia"

25 Ochobre (La Felguera) **CRISTINA BARRIAL** "La trinchera doméstica"
+mesa redonda sobre trabayu domésticu

UVIÉU - CNT C/Ricardo Montes, 37 baxu 6
XIXÓN - La Casa'l Pueblu C/Llanes, 11 baxu
LA FELGUERA - La Xusticia Pza. Aquilino Moral, 5
MIERES - La Llocura C/Aller, 1
CANDÁS - CNT Av. Reina María Cristina, 24
LLANES - Altu La Tornería
NAVIA - La Casa Azul de Occidente C/Las Veigas, 2 baxu

asturies.noblogs.org
984 511 668
asturiesanarquista@riseup.net



COORDINADORA
ANARQUISTA



PROGRAMA:




"L'anarquismo equí y agora."

Baxo'l títulu "Agora anarquía", los colectivos anarquistes asturianos, nucleaos na Coordinadora Horizontal, entamamos unes xornaes cola intención de dar a conocer les nuestres práutiques y convidar a l'autorganización y a l'acción llibertaria.

Van participar como ponentes Carlos Taibo, Dolors Marín, Noelia Bueno, Alicia Valdés, Cristina Barrial, Guillermo Menéndez, Rubén Uceda y Rebelión Científica, tratando asuntos que van dende la ponderación del papel de les muyeres na llucha revolucionaria hasta'l posanarquismu o'l trabayu domésticu. Les actividaes van celebrase en Navia, Candás, Xixón, Uviéu, La Felguera, Llanes y Mieres.

Dende la organización de les xornaes facemos especial hincapié na necesidá d'organizase al marxe de les estructures de poder, asumir la responsabilidá de los propios actos, entamar nueves formes de rellación y abrir pasu a la acción directa pa enfrentanos a la degradación a la que'l capitalismu somete a les persones y al planeta nel so conxuntu.



**Vienres 26 de Setiembre, 19:00h.
Xixón (Casa'l Pueblu).**

[Presentación llibru] Bakunin frente a Marx.

Carlos Taibo.

“Una güeyada de la mano de Carlos Taibo a los avatares de la Primera Internacional y a un alderique que tuvo consecuencias fonderes na xunidá del movimientu obreru.”

La conflictiva relación que Bakunin y Marx caltuvieron al calor de lo que güei llamamos Primera Internacional aconseya, un sieglu y mediu dempués, una valoración de les sos consecuencias en toles estayes. Nesta obra estúdiense los calteres personales d'esos dos revolucionarios, los desalcuentros que protagonizaron naquellos años ysobremanera, el legáu que dexaron en temes como la centralización, la vida política convencional, l'Estáu o la transición revolucionaria. A esos desalcuentros sumóse'l papel de sabios ya intelectuales, la condición de los llabradores, el desarrollu históricu del capital, les sociedaes precapitalistes o el conocimientu social. El llibru incorpora tamién una valoración de delles de les secueles que l'alderique en cuestión asoleyó col pasu de les décadas, al tiempu qu'apurre una bayurosa bibliografía sobro estos discutinios.

Carlos Taibo ye profesor xubiláu de Ciencia Política na Universidá Autónoma de Madrid y un autor de referencia no tocante a la divulgación de les idees llibertaries.

ALORA ANARQUÍA
XORNATES LIBERTARIOS

ANARQUÍA PARA JÓVENES

[Y PARA QUIENES NO LO SON TANTO]

CARLOS TAIBO



asturies.noblogs.org
984 511 668
asturiesanarquista@riseup.net



COORDINADORA
ANARQUISTA



**Sábado 27 de Setiembre, 12:30h.
La Felguera (CSA La Xusticia).**

[Presentación llibru] Anarquía para jóvenes (y para quienes no lo son tanto).

Carlos Taibo.

"L'anarquismu desplícau con cenciellez pa entendelu dende la práctica y non dende les teoríes."

Esti llibru ofrez una introducción de les idees llibertaries rápida y pedagóxica, pa la mocedá y pa les persones que nun lo son tanto. Sorraya, que les sociedaes pueden y deben organizase dende embaxo, dende l'autoxestión y el apoyu mutu, al marxe de fórmules autoritaries. Con un enfoque personal, amuesa una visión venceyada a los problemes d'anguaño y esplora temes clave como'l papel de la muyer, la situación de los países del Sur y la crisis ecolóxica global, centrándose más nes práctiques reales que nos conceptos teóricos. Inclúi tamién un capítulo sobro la mocedá d'anguaño, entemeciendo esperiencies propies, conocimientos socialmente asentaos y llecturas especializaes. Les conclusiones presten atención a materies como los llibros, los mayores, la realidá del capitalismu y los tiempos escuros nos que nos adientramos.


Carlos Taibo ye profesor xubiláu de Ciencia Política na Universidá Autónoma de Madrid y un autor de referencia no tocante a la divulgación de les idees llibertaries.

ALORA ANARQUIA

XORNATES LIBERTARIOS

LA IDEA DE EMMA GOLDMAN Y KROPOTKIN

Noelia Bueno



asturies.noblogs.org
984 511 668
asturiesanarquista@riseup.net



Sábadu 4 d'Ochobre, 17:00h.
Uviéu (CNT).

[Charra] La idea de Emma Goldman y Kropotkin. Noelia Bueno.

"Emma Goldman y Piotr Kropotkin, pensamientu llibertariu y ciencia al serviciu del Pueblu."

Emma Goldman y Piotr Kropotkin, dos de les grandes figures del anarquismu y del comunismu llibertariu, vivieron en plenu procesu d'industrialización, onde la mayor parte de la xente yera sometida a opresión y desigualdá. Coincidieron en 1919, nel momentu de la Revolución Rusa, y la so memoria foi marxugada pola única razón de les sos ideoloxíes.

Amás del so conoció activismu políticu, tamién trabayaron nes ciencies naturales y de la salú, siempre cola mira puesta nel bien común y na meyora de les condiciones humanes. Nesta charra vamos recuperar el so legáu y conocer cómo les sos idees sobre solidaridá y xusticia siguen siendo útiles pa pensar esti presente.

ALORA ANARQUIA

XORNATES LIBERTARIOS

POSANARQUISMOS

Alicia Valdés



asturies.noblogs.org
984 511 668
asturiesanarquista@riseup.net



Vienres 10 d'Ochobre, 19:00h.
Xixón (Casa'l Pueblu).

[Charra] Posanarquismos.

Alicia Valdés.

"La crisis del suxetu políticu abre pasu a nueves formes de resistencia basaes n'aición direuta y l'asamblearismu.

Posestructuralismu, anarquismu y feminismos

interseicionales y decoloniales inspiren esti movimientu radical."

El presente ta marcáu pola crisis ontolóxica del suxetu políticu y pol averamientu cada vegada más nidio de la práxis política radical a les tesis llibertaries de refugu a la delegación del poder y d'apueste pola aición direuta. La toma de les cais, l'asamblearismu, l'aición direuta, la insurreición individual y la resistencia cotidiana son dalgunes de les ferramientes qu'afiten les nueves formes de resistencia.

Agora bien, ¿d'áu vienen estes formes? Esta charra analiza cómo'l posestructuralismu, l'anarquismu y los feminismos interseicionales y decoloniales actúen como fonte d'inspiración pa estes nueves formes de resistencia política radical.

ALORA ANARQUIA

XORNATES LIBERTARIOS

ESCURSIÓN AL MAZUCU y alderique sobre la resistencia antifascista Rubén Uceda y Guillermo Menéndez



**Sábadu 11 d'Ochobre, 12:00h.
Llanes (Altu La Tornería).**

**[Memoria histórica] Escursión, xinta y alderique sobre de
la resistencia antifascista.**

Rubén Uceda y Guillermo Menéndez.

*“La memoria antifascista asturiana ye arma de dignidá y
resistencia, y nun puede ser borrada pola desmemoria
oficial. La meyor alcordanza ye seguir lluchando por un
futuru de xusticia y llibertá.”*

De la mano de Guillermo Menéndez vamos ver los escenarios principales de la batalla del Mazucu. Darréu baxaremos al pueblu a xintar y ya de tarde, na cueva Caldueñin, Ruben Uceda falarános del so trabayu entornu a la nuesa memoria antifascista. Pa zarrar música y baille de lo nueso.

asturies.noblogs.org
984 511 668
asturiesanarquista@riseup.net



ALORA ANARQUIA

XORNATES LIBERTARIOS

DOLORS MARÍN

VISIONARIAS, LIBREPENSADORAS y ESPIRITISTAS

MUJERES PIONERAS
DE LAS LUCHAS SOCIALES (1830-1931)



asturies.noblogs.org
984 511 668
asturiesanarquista@riseup.net



**Vienres 17 d'Ochobre, 19:00h.
Bual (El Acougo de Pitasana).**

**[Presentación llibru] Visionarias, librepensadoras
y espiritistas. Dolors Marín.**

**Sábadu 18 d'Ochobre, 12:30h.
Candás (CNT).**

**[Presentación llibru] Visionarias, librepensadoras
y espiritistas. Dolors Marín.**

14:00 h [Música y pinchos] Matraka.

**Domingu 19 d'Ochobre, 12:30h.
Mieres (La Llocura).**

**[Presentación llibru] Visionarias, librepensadoras
y espiritistas. Dolors Marín.**

14:00h [Música y pinchos] Bad Step DJs nel Abellugu.

***“Muyer y activismu nel sieglu XIX, voces que tresformaron
la sociedá. Un viaxe pel papel de mayestres, escritores y
activistes que frayaron estereotipos y abrieron caminos
de llibertá.”***

El llibru centra l'atención na vida de muyeres trabayadores del Estáu ente'l sieglu XIX y entamos del XX, una dómina de grandes cambeos sociales y culturales. Xunto les idees y movimientos revolucionarios, apaecieron corrientes curioses y controvertíes, como'l mesmerismu, l'espiritismu o la teosofía. Muyeres qu'abrieron senderos pa les xeneraciones vinientes y demostraron que la voz femenina podía ser creativa, crítica y tresformadora.

ALERTA ANARQUISTA
HORRATES LIBERTARIOS

EMERXENCIA CLIMÁTICA De la ciencia a la desobediencia

Olga García Moreno
Adán Abajo Chic
REBELIÓN CIENTÍFICA



asturies.noblogs.org
984 511 668
asturiesanarquista@riseup.net



Vienres 24 d'Ochobre, 19:00h. Xixón (Casa'l Pueblu).

**[Charra] Emerxencia climática, de la ciencia a la
desobediencia. Rebelión Científica.**

*"La ventana d'oportunidá ta a punto de zarrase si nun
actuamos a tiempu. La falta d'actuación de los gobiernu
ye "criminal" ya impón un cambéu urxente col sofitu de la
ciencia y la sociedá civil organizada."*

Les consecuencias del cambéu climáticu van ser devastadores si nun actuamos a tiempu, pero esti tiempu ta acabando. "La ciencia ye clara, cualquier retrasu n'accion global fará que se pierda la ventana d'oportunidá p'asegurar un futuru habitable", afirma'l IPCC WGII. Dende 1990, cuando se presentó'l primer informe del IPCC, les emisiones de CO2 mundialmente xubieron un 60% y van seguir aumentando nos próximos años según les proyecciones. En pallabres d'António Guterres, secretariu xeneral de la ONU, la falta d'acción de los gobiernos ye "criminal".

Como miembros de la comunidá científica y conocedores de la gravedá del problema, tenemos la responsabilidad d'actuar y pasar a la desobediencia civil. Rebelión Científica ñació cola meta de movilizar a la comunidá científica na desobediencia frente a la inacción política y ser un impulsor que desencadene un cambéu social.

ALORA ANARQUIA
XORNATES LIBERTARIOS

La trinchera doméstica

Historias del trabajo en el hogar

levanta
fuego

Epílogo: Territorio Doméstico

Cristina Barrial
Berbén

asturies.noblogs.org
984 511 668
asturiesanarquista@riseup.net



Sábadu 25 d'Ochobre, 12:30h.
La Felguera (CSA La Xusticia).

[Presentación llibru] La trinchera doméstica.

Cristina Barrial.

[Mesa redonda] Trabayu domésticu y organización obrera.

Cristina Barrial, Alba García Torres, trabayadores del sector, Secretaría d'Acción Sindical (CNT La Felguera).

"Xornaes llaborales eternes y desamparo institucional.

Les trabayadores del llar y la resistencia obrera dientro de les condiciones más hostiles."

Cristina Barrial recueye les histories de llimpiadores y cuidadores que-y cuntaron les sos esperiencias. Les sos vides tán enllenes de violencia llaboral ya institucional, pero tamién de resistencia, organización y llucha individual y colectiva. Toes elles abrieron les puertes de les cases onde trabayen pa cuntar lo que pasa nel interior. Toes elles camudaron la casa nuna trinchera.

Darréu de la presentación cuntaremos con esperiencias de primera mano a cargu de trabayadores del sector domésticu n'Asturies, y abordaremos la necesidá d'organización y les sos posibilidades dientro d'un sector tan desregulao, coles aportaciones de Cristina Barrial, Alba García Torres (doctora en derechu llaboral), la Secretaría d'Acción Sindical de la CNT de La Felguera asina como de les propies tarabayadores.